

أعظم العبادات في عشر ذي الحجة | #خطبة_جمعة | د. حازم

شومان

حازم شومان

ان الحمد لله نحمده ونستعين به ونستغفره ونحمده ونستعين به ونستغفره ونعوذ بالله من شرور انفسنا ومن سيئات اعمالنا. انه ومن يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا الله حق - [00:00:01](#) طقاته ولا تموتن الا وانتم مسلمون. يا ايها الناس اتقوا ربكم الذي خلقكم من نفسي واحدة وخلق منها زوجها. وبث منهما رجالا كثيرا ونساء اتقوا الله الذي تساءلون به والارحام. ان الله كان عليكم رقيبا - [00:00:31](#) يا ايها الذين امنوا اتقوا الله وقولوا قولا سديدا. يصلح لكم اعمالكم. ويغفر لكم ذنوبكم ومن يطع الله ورسوله فقد فاز فوزا عظيما. اللهم صل على الحبيب اللهم صل على محمد. اللهم صل على الحبيب محمد صلاة ترضى بها عنا. اللهم صل على الحبيب - [00:01:02](#) لمحمد صلاة تشرح بها صدورنا وتيسر بها امورنا. وتنور بها قلوبنا. وتزكي بها انفسنا وتقوي بها في رضاك عزمنا. اللهم صل على الحبيب محمد صلاة تصلح بها بالناس بها كربنا وتوسع بها ارزاقنا وتكشف بها الهم والغم عنا. اللهم صل على الحبيب محمد - [00:01:32](#) صلاة تسدد بها خطانا وترزقنا بها صحبتته في الفردوس الاعلى. اللهم صل على محمد. اللهم صل على من علمنا الصلاة والصيام. اللهم صل على من علمنا الذكر والشكر. اللهم صل على من علمنا قيام الليل - [00:02:02](#) صيام النهار. اللهم صل على من علمنا فضل العشر من ذي الحجة وفضل رمضان وليلة القدر. اللهم صل نبينا وحبينا وشفيعنا محمد صلى الله عليه وسلم. عليه افضل الصلوات من رب العالمين الى يوم الدين. اما بعد - [00:02:22](#) اخواني واحبابي في الله ثبت عن حبيب الله محمد صلى الله عليه وسلم. في مسند الامام احمد وصحح الحديث. احمد شاكر وشعيب الارناؤوط يا حبيب الله محمد صلى الله عليه وسلم. قال ما من ايام اعظم عند الله ولا احد - [00:02:42](#) احب الى الله من العمل فيهن من هذه الايام العشر. يبقى العشر تيام اللي احنا فيهم دول احنا الوقتي فين؟ احنا دلوقت في نصهم بالزبط يعني احنا بدأنا في اليوم السادس. يعني احنا دلوقت في المنتصف عشان ما تجيش تقول ده فيه خمس ايام راحوا ما كانش عندي فيهم - [00:03:02](#) الوهمة في زكر الله والتبتل الى الله والتأله والتعبد لله سبحانه وتعالى انت دلوقت في النص يعني انت قدامك كتير لسة بل اعظم اعظم هذه الايام العشر لا يزال قادم. لان سبحان الله اعظمه من اليوم العاشر. ثم اليوم التاسع ثم اليوم التامن. يعني - [00:03:22](#) ثم يوم الجمعة ما كان فيها من يوم الجمعة اللي هو نحن فيه. هذا انت متخيل انت الفضل كله لسة بين ايديك. الخير كله بتاع عشر ذي الحجة لسة بين ايديك. صفقات الملك سبحانه وتعالى لسة كلها بين ايديك. بايدك انك انت تفوز بها. ما من ايام - [00:03:42](#) اعظم عند الله. يعني دي اعظم عشر تيام في السنة. اعظم من رمضان. اعظم عند الاعظم عند الله. حتى ان العلماء قالوا ان الصدقة في عشر ذي الحجة افضل عند الله من الصدقة في رمضان. ده مش معناه ان رمضان لأ. ده معناه ان عشر ذي الحجة - [00:04:02](#) دي التوب بتاع السنة. دي القمة بتاع السنة كلها. انت متخيل! يعني خلاص عشر ذي الحجة دي هتخلص وانت هتعيش على الشحن الايماني والتعبد منها لحد رمضان اللي جاي بازن الله. سبحانه وتعالى. عشر تيام لشحن عشر شهور بعدهم. الله سبحانه وتعالى - [00:04:22](#)

عن رمضان في القرآن مرة. وتكلم عن عشر ذي الحجة في القرآن. اربع مرات. يعني عشر ذي الحجة دي نزل الكلام فيها في ان قبل ان

ينزل الكلام عن رمضان. رمضان نزلت آياته سنة اثنين آآ اثنين هجرية. عشر ذي الحجة نزلت آياتها في المرحلة السرية - [00:04:42](#) في مكة وليال عشر يعني الصحابة تربوا على عشر ذي الحجة بسنين طويلة قبل ما يتربوا على رمضان. فهذا موسم عظيم عظم فيه الله وتوقد فيه القلوب. وتشحن فيه البصائر بنور الله. فهي ايام ذكر الله. سبحانه وتعالى. فالنبي عليه الصلاة والسلام - [00:05:02](#) يقول لك ما من ايام اعظم عند الله ولا احب الى الله من العمل فيهن من هذه الايام العشر. فاكثروا فيهن اكثروا من منسوب العبادة بتاعك فيها يبقى زي منسوب العبادة بتاعك في الايام الثانية. ما ينفعش تيجي على ان في ايام دهركم نفحات. الا فتعرضوا لها -

[00:05:22](#)

لما يبقى فيه نفحات من كرم الله ولطف الله وود الله. وجود الله وعطاء الله. لما يبقى فيه نفحات من بر الله ما هو احسان الله؟ الا فتعرضوا لها كلنا. عايزين نعمل تغيير درامي في حياتنا. احنا فينا الوقت المريض اللي مش عارف يروق ازاي. وفينا الوقت -

[00:05:42](#)

الفقير اللي مش عارف يوسع دخله ازاي وفينا الوقت اللي عنده مشاكل اجتماعية بيته نهار طلق او عنده مشاكل مع ولاده او بيته مهدد انهيار ومش عارف يصلحه ازاي. وفينا المديون اللي مش عارف يأدي ازاي. وفينا التايه اللي مش عارف يرشد ويلاقى وجه في

[00:06:02](#) - الدنيا

وفينا المكتئب اللي عنده توتر اللي بياخد ادوية نفسية ومش عارف يرحم من فزع الامراض النفسية ويبقى بني ادم ثاني بيعرف اضحك ويفرح ازاي؟ وفينا اللي قاعد ينتكس ويقوم ويقع ومش عارف يسبت ازاي؟ احنا جايبين لرينا وملبانين مشاكل. وما فيش

[00:06:22](#) - امل في

تغيير الدرامي في حياتنا غير ان احنا نتلهف على باب جود الله. هنا نفحة من اعظم بل اعظم نفحة من نفحات الله طول السنة وهي عشر ذي الحجة فاكثروا فيهن. اكثروا فيهن. يبقى مجهودك في العبادة في الايام دي لازم يكون اعلى ما يكون. اعلى ما يكون فاكثروا

[00:06:44](#) - فيهن

النبي عليه الصلاة والسلام بيأمرك فاكثروا فيهن من التهليل والتكبير والتحميد. وفي رواية يبقى النبي عليه الصلاة والسلام اول حاجة ذلك عليها في عشر ذي الحجة عايزين نتكلم عن ايه اعظم اعمال نعملها في عشر ذي الحجة بالترتيب بتاعها اول حاجة - [00:07:04](#) ذكر الله. يعني النبي هنا ما قالكش في العشر بقى. دي اعظم ايام في الدنيا. ودي احب ايام الى الله. اكثر فيهن بقى من تلاوة القرآن.

[00:07:24](#) - رغم ان تلاوة القرآن برة عشر

ذي الحجة افضل عند الله من الذكر. ولكن في عشر ذي الحجة صار اعظم عمل في الدين. واعظم عمل في الحياة هو ذكر الله اه يبقى اعظم عمل العمل رقم واحد. قمة الدين الوقتي في عشر ذي الحجة بقت ايه؟ التهليل والتكبير - [00:07:34](#)

التحميد والتسبيح. ده رقم واحد الوقتي. ده اعظم عمل تتسلف به الى الله رب العالمين. وردك من الذكر ايه في عشر ذي الحجة؟ حزنك من التكبير ايه؟ حزنك من التهليل ايه؟ قلت كم مرة لا اله الا الله النهاردة؟ قلت كم مرة الحمد لله؟ قلت كم مرة الله اكبر -

[00:07:54](#)

قلت كم مرة انت المفروض ان انت في هزه الايام انت ما بتبطلش اصلا. لسانك ما بينامش اصلا. وانت بتقول الحمد لله. الحمد لله تملأ يا جماعة تملأ الميزان اللي لو وضعت فيه السماوات والارض لوسعها. آآ الميزان ده حجمه مهول. الحمد لله بتملاه. هو ربنا بيحب الثناء

[00:08:14](#) - عليه

اوي كده الزكر بيدي لك قيمة. الزكر بيعرفك قيمتك في الحياة. هو احنا قيمتنا في الحياة ايه؟ امشي في الشارع كده مين اللي

[00:08:34](#) - عارفك؟ مين اللي لو آآ عارف انك في

اللي هيقلب الدنيا عشانك. مين اللي انما لما بتقول الحمد لله الله يجمع ملائكة الملاء الاعلى ويقول حمدني عبدي؟ هو انا لي قيمة كده؟ الذكر بيعرفك وبيعرفك قيمة عمرك. هو انا لما اقول الحمد لله في سانية تملأ الميزان! هو انا عمري غالي كده! هو انا مضيعه! قدام

[00:08:44](#) - السوشيال ميديا وقدام الفيس وقدام

قنوات وعلى القهاوي هو انا عمري غالي للدرجة دي! وانا مش عارف قيمة عمري! الذكر بيعرفك انت غالي. قال رسول الله صلى الله عليه وسلم سبق المفردون. قالوا ومن المفردون يا رسول الله؟ قال الذاكرون الله كثيرا والذاكرات. يعني ايه المفردون؟ الذين افردوا الله بالذكر. اللي ما فيش - [00:09:04](#)

على لسانهم غير الكلام عن الله. عشان كده في رواية صحيحة الذين يهتزون بذكر الله. المستهتر هو المولع بشيء لدرجة انه شغله عن كل من سواه ففي ناس مولعة بذكر الله. لدرجة ان هي ما عادتش ما فيش حاجة تانية في حياتها غير ذكر الله - [00:09:24](#)

المفردون الذين افردوا الله بالذكر. الذين افردوا الله بالوجهة. الذين افردوا الله بالتوجه والعزم على ان يبلغوا مراد الله سبحانه وتعالى. ربنا بس اللي في حياتهم. افردوا نفسهم لله. ما بقاش في قلبي وحياتي غير - [00:09:44](#)

هنا سبحانه وتعالى ده سبق بقى. فالرسول فييقول يا رسول الله من هم؟ قال الذاكرون الله كثيرا. والذاكرات اللي على طول على طول على لسانه ذكر الله سبحانه وتعالى. الحمد لله تملأ الميزان. وانت قاعد بتستشعر كده. وانت بتقوم من الركوع بتقول ايه؟ سمع الله لمن حمده. الحمد ده من اسباب - [00:10:04](#)

سماع الله لك. من اسباب اجابة الدعاء الله لدعائك. سمع الله اي سماع القبول. اي سماع اجابة الدعاء. عشان كده بتنزل بعدها تسجد وتدعي بتاع ربنا. لانك حمدته فربنا هيستجيب لك. فالحمد من اسباب اجابة الدعاء. بل الحمد افضل الدعاء. بل مجرد ان تحمد الله - [00:10:24](#)

لا فان الله يسارع في قضاء حوائجك ولو لم تسأل الله. عشان كده العلماء قالوا مراتب العبادات ايه رقم واحد القرآن. رقم اثنين ذكر الله. ده برة عشر زي الحجة. رقم ثلاثة الدعاء له. هو الدعاء مش رقم واحد؟ لأ. قال لك الدعاء مش رقم واحد - [00:10:44](#)

يعني انا لو قعدت اقرا قرآن الله يعطيك افضل ما يعطي السائلين. سبحانه وتعالى. لو قعدت اذكر الله الله يعطيك افضل ما يعطي السائلين. سبحان وتعالى فانت والدعاء ده رقم ثلاثة في مراتب العمل. عشان كده في حديث حديس القدسي آآ ما تقرب عبدي الي بشيء احب الي مما افترضته عليه - [00:11:04](#)

ولا يزال عبدي يتقرب الي بالنوافل حتى احبه. فاذا احبته كنت سمعه الذي يسمع به. وبصره الذي يبصر به. ولسانه الذي يتكلم به ويده التي يبطش بها ورجله التي يمشي بها. قالوا يعني ايه؟ العلماء اختلفوا على معاني. بعض العلماء قالوا اي ان - [00:11:24](#)

الله يتولاك في جوارحك. اي ان الله يتولاك في سمعك فلا تسمع الا بنور الله. ويتولاك في بصرك فلا ترى الا بنور الله ويتولاك في لسانك. فلا تتكلم الا بنور الله. ويتولاك في خطوات رجلك - [00:11:44](#)

وسدد خطواتك في الحياة ويتولاك في يده. فلا تبطش الا بقوة الله. ويتولاك في عقلك. فلا تعقل الامور ولا تختار في الحياة الا بنور الله. ده معنى ربنا هيتولاك في جوارحك بالتفصيل ربنا من اثار اسم الله - [00:12:04](#)

ان ربنا بيتولاك في تفاصيل حياتك. زي ما انت بتتولى ابنك كده انت ولي امره. في تفاصيل حياته. تفاصيل ادق ادق التفاصيل حياته. ربنا الاب بيتولى ابنه في آآ الولد آآ يكون ناقص كالسيوم طب نجيب له لبن؟ طب نوع اللبن ايه؟ طب نجيب له دواء كالسيوم من الصيدلية؟ طب - [00:12:24](#)

بتاع الشركة الفلانية ولا الشركة الفلانية؟ طب اوديه للدكتور الفلاني ولا ده؟ طب اوديه المدرسة دي ولا المدرسة دي؟ طب اجيب له دروس خصوصية؟ طب ادي له في مواد ايه؟ طب المادة - [00:12:44](#)

اجيب له في البيت ولا اوديه سنتر! طب لو جبت له في البيت اجيب له مدرس ولا مدرسة! طب اجيب له من المدرسة ولا بابا مش ممكن! تفاصيل تفاصيل تفاصيل. طب هدومه. طب آآ لعبه. طب فسحته؟ طب مروحه آآ يشم ولا نادي رياضي. طب تفاصيل الله لما بيتجلى - [00:12:54](#)

باسمه الولي الله بيتولاك في التفاصيل تفاصيل حياتك. ربنا سبحانه وتعالى. الله حينما يتولاه. القول الثاني فكنت سمعه الذي يسمع به وبصره الذي يبصر به ويده التي يبطش بها ورجله التي يمشي بها. ولسانه الذي يتكلم به وقلبه الذي يعقل به - [00:13:14](#)

لسانه قال مدير رواية مسند ابي يعلى. القول الثاني قال اي ان الله يسارع في حوائجه وفي قضاء اموره اسرع من سمعه اذا تكلم

الناس ومن بصره اذا رأى شيء - [00:13:34](#)

ومن رجله اذا اراد الخطوة ومن يده اذا اراد البطش. ربنا بيتولاه لدرجة ان ربنا تسارع في حوائجه اسرع من سمعه وبصره. يعني بصرك ده سرعة ضوء. وسمعتك ده سرعة الصوت. هو ايه ده يا جماعة - [00:13:54](#)

هو هو العلاقة مع ربنا بتبقى جميلة اوي كده! هو ربنا لما بيتولى بيتولى كده! هو ربنا لما بيدي بيدي كده! هو ربنا لما بيتحنن ضيقك ما لا تتخيل من مدارج العلاقة بينك وبين الله رفيع الدرجات. رفيع الدرجات قال بعض العلماء اي رافع الدرجات. يقدر - [00:14:14](#) ارفعك يقدر يرقيك في المعاملة معه. يقدر يوصلك لحال ثاني بينك وبينه. اخلص لله سبحانه وتعالى. اصدق الله دي ايام ذكر الله ايه الايام دي ذكر الله؟ ليه ربنا عمل عشر تيام في السنة؟ الذكر افضل فيهم من القرآن. ليه؟ ليه ربنا مش معناها انك ما تقراش -

[00:14:34](#)

القرآن ما القرآن افضل للذكر. بس الترتيب اختلف في عشر ذي الحجة لان الذكر ده الذكر ده اكثر حاجة هتخلق الذكر ده يا جماعة. ايه الفرق بين الذكر والقرآن بين الذكر والقرآن هو الفرق بين يعني ساعات واحد آآ واحد مسلا يقول انا جعان وهبطان ودايخ طب استنى يا ابني بقى ايه امه تقول له اما تموت - [00:14:54](#)

فرخة مسلوقة كده وشوربتها واحمرها لك في سمعة بلدي. واعمل لك طبق خضار محترم وكل يا ابني ورم عضمك. يبقى دي طريقة طب ابنها داخل الحقيني. الحقيني يا امي انا باعمل طولي. ووقع من طوله خلاص. بسرعة كوباية مائة بسكر. يبقى فيه فرق بين -

[00:15:14](#)

الطبخة بقى اللي لسة هتتاخذ و هتتهضم ، وبعد كده تاخذ قوة تقعد لك يومين كده صلبته لك. وبين واحد بيقع من طوله عايز حاجة سريعة. عايز فصل تفوت بسرعة يلحق. هو ده الفرق بين الذكر وبين القرآن. القرآن بيديك قوة جبارة. وببيديك معاني جبارة. ولكن الذكر بيديك نور - [00:15:34](#)

كوري فاذكروني اذكركم فوراً. الذكر مفعوله في نور قلبك. وفي هداية طريقك. وفي شرح صدرك وفي تقوية عزيمةك مفعول فوري. فرينا عمل عشر تيام في السنة اللي هم عشر ذي الحجة. موسم ذكر. اقعد سبح بس. اقعد - [00:15:54](#)

بس. اقعد هلل بس. اقعد احمد بس. اربع كلمات. هاقعد عشر تيام في اربع كلمات. اه اقعد عشر تيام ما بتقولش غير الحمد لله سبحان الله! الله اكبر! لا اله الا الله! الله! الله! اقعد عشر تيام الله - [00:16:14](#)

الله! الله! الله! الله! عشان بوصلة قلبك تتزبط. عشان يبدأ يبجي في قلبك تعظيم جبار لجلال الله. هو دا اللي النبي عليه الصلاة والسلام طلبه من الله. اللهم اقسام لنا من خشيتك ما تحول به بيننا وبين معصيتك. مش من الخوف منك. من خشيتك الخوف هو

[00:16:34](#) خوف عذاب -

بالله. يعني الخوف انك مرعوب من جهنم. اما الخشية فهي خوف مقام الله. ولمن خاف ايه قام ربه. ده دول اهل الفردوس الاعلى.

اهل الخشية ولمن خاف مقام ربه جنتان. يبقى اقسام لنا من خشيتك يا رب - [00:16:54](#)

يا رب املاً قلبي بمعرفة جلالك. انا عايز اعرفك يا رب. انا عايز اعرف اسمائك الحسنی. انا عايز اعرف جلالك. انا عايز اعظمك. هي دي

[00:17:14](#) ايام بقى تنمية الخشية في القلب -

دي ايام تنمية معرفة الله. بذكر الله. وانت بتقول الله اكبر. يعني ايه الله اكبر؟ الله اكبر دي عيشة. الله اكبر دي وانت قاعد كده! الله اكبر اوعى تفتكر الملك اللي رأسه محنية تحت العرش. ورجله قد مرقت في الارض. ملك بحجم الكون. ده ده مخلوق. او مال الخالق -

[00:17:24](#)

يعني سيدنا جبريل له ستميت جناح جناح واحد منهم شال عليه سبع قرى من قرى سانون وخسف بها الارض. وده ملك ده مخلوق ده ملك من ملائكة ما تحت سدرة المنتهى. خد بالك عالم ما فوق سدرة المنتهى ده عالم وعالم ما تحت سدرة المنتهى ده عالم. عشان

[00:17:44](#) كده ربنا سماها سدرة المنتهى لايه -

ان دي دي عاملة زي ايه؟ يعني آآ آآ عارف كده آآ حدود ما بين دولتين ما حدش بيعدي من هنا ولا حد بيعدي من هنا الوحيد اللي طلغ

من عالم ما تحت سدرة المنتهى. لا عالم ما فوق سدرة المنتهى. ووصل الى حجاب النور سيدنا محمد. عليه الصلاة والسلام في رحلة المعراج. عليه الصلاة والسلام - [00:18:04](#)

عالم ما تحت سدرة المنتدى له ملايكة اللي هو فيه السماوات السبعة ومن ضمنهم جبريل يعني جبريل ما بيطلعش فوق سدرة المنتهى فوق سدرة المنتهى ده عالم ثاني بينهم ميكائيل ومنهم اسرافيل. دي ملايكة ثانية. البيت المعمور ده في عالم من تحت سدرة المنتهى. العرش ده - [00:18:24](#)

في عالم ما فوق سدرة المتعة وحملة العرش والذين حول العرش كل ده ما فوق سدرة المنتهى. فدي عوالم. عوالم في جلال الله سبحانه وتعالى. فتخيل كل ده مخلوق. امال عظمة الخالق. اذا كان العرش وسع كرسيه السماوات والارض. الكرسي ده موضع قدميه - [00:18:44](#)

رب وسع السماوات والارض. آآ والكرسي لا شيء في العرش حلقة فلاة. العرش ده ايه والعرش ده مخلوق. فما بالك بعظمة الخالق سبحانه وتعالى. الله اكبر. لما بتقول الله اكبر بتفتكر اكبر مخلوقات الكون وربنا اكبر منها. لما بتقول الله اكبر - [00:19:04](#)
افتكر الظالمين والطفاة ربنا اكبر منهم. لما بتقول الله اكبر بتفتكر الدنيا ومتاحة ولذاتها. الله اكبر منها. لما بتقول الله اكبر بتفتكر نفسك. الله اكبر من شهواتك ورغباتك. الله اكبر. الله! انت بتسيب كل حاجة عشان ربنا كلمة الله اكبر دي - [00:19:24](#)
قلبك ثاني ونفسيك عاملة زي صدمة كهربية كده. بترجعك ثاني على الطريق المزبوط. الله اكبر. بتفتح افتكر كروبات حياتك. الله اكبر. ربنا كبير. ربنا اكبر من اي كرب سبحانه وتعالى. ربنا هو الكبير سبحانه وتعالى. فانت لما بتعيش مع لا اله - [00:19:44](#)
لا اله الا الله. سكينه بتدبح من قلبك كل ما سوى الله. لا اله الا الله. لا مانع الا الله. لا ضار الا الله. لا مقدم الا الله لا مؤخر الا الله. لا باسط الا الله. لا قابض الا الله. لا رافع الا الله. لا خافض الا الله. الله - [00:20:04](#)

سبحانه وتعالى لا اله الا الله دي كلمة سكينه بتدبح من قلبك كل ما سوى الله. سبحانه وتعالى. جد ايمانك بالذكر. خلي الذكر يرجعنا بني ادمين ثاني. خلي الذكر يجلي فطرتك في هذه الايام. عشان تعرف يعني ايه لما قال حبيب الله محمد عليه الصلاة والسلام. ما من ايام اعظم عند الله - [00:20:24](#)

ولا احب الى الله من العمل فيهن من هذه الايام. فاكثروا فيهن. فيهن دي هتندم عليها. عشر تيام دول لو عدوا هتندم. لان خلاص رجعنا ثاني للترتيب العادي بتاع السنة كلها. وراحت فرصة تجديد الايمان بالذكر. الحق الفرصة. الحق - [00:20:44](#)
فرصة تجديد ايمانك بذكر الله في هذه الايام. فاكثروا فيهن من التهليل والتكبير والتحميد. وفي رواية والتسبيح ده اول عمل من اعمال عشر ذي الحجة. العمل الثاني قراءة القرآن. قراءة القرآن في التلتمية خمسة وخمسين يوم في السنة ما عدا عشر ذي الحجة - [00:21:04](#)

هو افضل من الذكر. في عشر ذي الحجة العلماء قالوا عشان حديث فاكثروا فيهن من التهليل والتكبير. قالوا يبقى الذكر بقى افضل هنا عشان هنا الموسم ده موسم ذكر بالذات. طب قرآنية القرآن في عشر ذي الحجة؟ ابن عباس يقول ان الحسنه في عشر ذي الحجة بسبعميت ضعف. بسبعميت ضعف يعني صفحة القرآن بسبعميه - [00:21:24](#)

ميت صفحة يعني صفحة القرآن بختمه وخمس تجزاء. انت متخيل! ما انت بقى لو تخيلت بقى بسبعميه ضعف ديت في كل حاجة يعني الجنيه بسبعميه جنيه. يعني لو طلعت الف جنيه في عشر ذي الحجة عند الله كانك طلعت مليون جنيه. لو لفيت على شوية اسر فايدك كده وطلعت لك الف جنيه ان ربنا رزقك من - [00:21:44](#)

فضله كانك يعني اللي بيعمل اضحية يوم العيد بمثلا بكام الاضحية؟ يعني اربع تلاف جنيه مسلا اضرب بقى بسبعميت ضعف ده ده كأنه طلع ثلاثة اربعة مليون جنيه. فانت الاعمال في خاتمة القرآن بسبعميه خاتمة قرآن. يبقى ينفع في عشر ذي الحجة ما نختمش - [00:22:04](#)

القرآن يا مولانا مش انت بتقول نذكر الله وسبح ميت مرة وكبر ميت مرة يا عم عيب يا عم ده النبي فاكثروا فيهن. انت يا عم ده ده العيال الصغيرين بيقتعدوا على الفيس ولا على يوتيوب ولا على التيك توك - [00:22:24](#)

تمان ساعات ما بيبربشوش اصلا. احنا ده انت عشان تقرا ثلاث اجزاء قرآن في اليوم مش هياخدوا منك ساعة. مش هياخدوا ساعة. ولو انت خاشع اوي هياخدوا ساعة ونص. انت ده انت يوم اربعة وعشرين ساعة. وكل ده بركة لك في حياتك وبركة في صحتك. لا انسى ابدأ. سبحان - [00:22:44](#)

والله كنت خارج من المستشفى وآآ يعني وانا خارج من المستشفى كنت انت قلبي تعب شوية يعني فدخلت المستشفى وخرجت ثاني نسأل الله العفو والعافية نسأل الله العفو والعافية. نسأل الله العفو والعافية. فكنت مع شيخنا الشيخ مصطفى العدوي وربنا يبارك في مشايخنا جميعا وينفع بهم. ويجعل ما بقي من دعوتهم اعظم - [00:23:04](#)

مما مضى يا رب. فباقول له والله يا شيخنا يعني الواحد مريض ويعني احتمال احتاج ان انا اسافر عشان اعمل عملية كده في القلب. ونسأل الله العفو والعافية قال لي شف بقى الصح ايه فواحنا قاعدين كده فجه حد آآ بيتكلم معنا فبيقول فهو الراجل اتكلم من نفسه كده - [00:23:24](#)

قال انا يعني ابويا كان آآ يعني جا له مرض في القلب فسافر المانيا عشان خلاص بقى هنا في مصر جاب الطب جاب اخره معه سافر المانيا فاتصل بي وهو بيقول لي يعني انا والشيخ بيقول اتصل بنا من المانيا فبيقول يا جماعة آآ اخوه يعني فبيقول يا جماعة جهزوا المقابر - [00:23:44](#)

لان خلاص الدكاترة هنا بيقولوا ابوك مش هيعيش عشرين يوم. ابوك خلاص مستحيل هيعيش ميت ميت يعني. فبيقول لي نزلت وجهزت له المقابر وعلى اساس خلاص يا ابويا يا هييجي ميت يا اما هيموت اول ما هييجي بيقول اول ما والدي جه مصر عمل حاجة غريبة بقى ينام يصحى الساعة اتناشر - [00:24:04](#)

بالليل. بيقول لي من اتناشر بالليل لبعد الفجر يوميا يقرأ عشر اجزاء قرآن. والله سامحها منه بوندي بيقول لي انا ما اعرفش ابويا جاب الصحة دي منين اصلا القرآن بيدي صحة. القرآن بيدي طاقة. فعلا والله يا اخواني العبادة بتدي صح لان تسعين في المية من الضعف - [00:24:24](#)

والهزال اللي انت فيه ده كمد وكبت بسبب هموم الدنيا. وبسبب المشاكل اللي انت فيها. يعني نفسية اكثر منها حالة صحية حقيقية بيقول بقى يقرأ عشر تجزاء لحد بعد الفجر. يصحى كل يوم. بيقول ابويا عاش خمسة وعشرين سنة. لم يذهب الى طبيب خمسة وعشرين سنة - [00:24:44](#)

بيقول لو كان حس ان جنبه وجع ولا اي حاجة وجعته يقوم حاطط ايده عليها. قاري قرآن يذهب الالم. يقول خمسة وعشرين سنة بيختم المصحف كل ثلاث ايام آآ ساعتها سبحان الله يعني الشيخ مصطفى العلوي بص لي كده فقال لي شف دي بشرى بقى من الله سبحانه وتعالى. طبق بقى الله يعينك. العبادة كرم من الله - [00:25:04](#)

اه يا جماعة قراءة القرآن دي شفاء. شفاء بدني مش بس شفاء روحي. نجاته اليوم اللي انت بتقرأ فيه القرآن مش هتتضغط نفسيا فيه. هتلاقي مشاكل حتى لو موجودة انت نفسيا بقت مختلف اصلا. تلاقى ربنا بيديك صحة. بيديك طاقة. بيطلق لسانك. بيشرح صدرك. بينور لك طريقك. ارتبط بالقرآن - [00:25:24](#)

سؤال ارتبط بالقرآن انت كل وقت بتديه للقرآن الله بيزيد وقتك ببركة. لا تتكاسل ما تتكاسلش عن سر سعادتك الوحيد في الحياة. احنا في زمن بؤس نحن في ايام نحسات والعياذ بالله. مشاكل - [00:25:44](#)

مشاكل اقتصادية مشاكل اجتماعية مشاكل آآ معاصي المعاصي والربا والعلاقات المحرمة والعري والتبرج نزلت عقوبتها على الدنيا بقت الدنيا مليانة عقوبات معاصي. صرنا في ايام بأساء وضراء والعياذ بالله. نسأل الله العفو والعافية - [00:26:02](#)

والدنيا متزينة في وسط البأساء والضراء دي. والواحد جاي بقى متهالك. يقوم بقى الشاب فاتح السوشيال ميديا والدنيا سودا قدامه. يلاقي بقى زوجات ملوك متصورين وآآ جميلات آآ زوجات رجال الاعمال متصورين عربيات واليخوت الفخمة بتاعة المليارديرات

قدامه - [00:26:22](#)

والقصور والاكل بتاع آآ صاحب الشركة الفلانية والامير الفلاني والاميرة الفلانية قدامه يقعد يبص كده الدنيا بقت يا عيني عينك.

زمان كان الفقير بيقل على نفسه وينا من غير عشاء ويقول رضا. ده احنا احسن من ناس كتير وهو مش عارف الوقت الغني بقى - [00:26:42](#)

اتفرج على نعيم المليارديرات قدام عينه على السوشيال ميديا. ما عايش حد راضي. ما عايش حد راضي. ربنا بيقل ولا تمدن عينيك. والناس قاعدة عينها هتطلع قدام السوشيال ميديا. فبالتالي بقينا في ايام عذاب نفسي وايام شقاء. مين اللي هيرضى؟ مين اللي هيرضى؟ هو اللي يقعد يتفرج على الدنيا على السوشيال - [00:27:02](#)

الميديا ده هيرضى! مستحيل! هيرضى بايه! هيرضى بايه بعد ما شاف لما خرج على قومه في زينته! لما فرعون بني اسرائيل مشوا ورا موسى. لما فرعون قتل اولادهم مشوا ورا موسى. لما فرعون استحيا نساءهم يعني استباح - [00:27:22](#)
ارادهم او استباح انهم يبقوا خدامات في بيوت المصريين. مشوا ورا موسى. لما قارون خرج على قومه في زينته. الدعوة وقفت الناس كلها سابت موسى. قال الذين يريدون الحياة الدنيا يا ليت لنا مسل ما اوتي رجل الاعمال الفلاني اللي متجوز الممسلة الفلانية - [00:27:42](#)

يا ليت لنا مسل ما اوتي لاعب الكورة الفلاني اللي متجوز فلان. مسل ما اوتي الملياردير الفلاني اللي عنده. اه تخطي فلان يا ليت لنا خلاص الدنيا وقفت. قال الذين اتوا العلم وياكم. فضوا نفسكم في ستين مصيبة. لا هتأخذ - [00:28:02](#)
الدنيا والاخرة. ويلكم ثواب الله خير. اللي عند ربنا دنيا واخرة احسن. لمن امن وعمل صالحا بس ولا الا الصابرون. المعاني العالية دي. اللي بيتمسك بالدين هو اللي يفهمها. هو اللي ربنا بينور له قلبه بها. انما اللي ملهوف على الدنيا ده ما فهمش حاجة - [00:28:22](#)
فبيجي القرآن يرجعك بقى. ببيجي القرآن ينقذك من التعاسة. سكة السوشيال ميديا دي سكة تعاسة لقيناها سكة وهم. سكة وهم ما حدش هيرضى بمراته بعد ما هيشوف صور النساء على ما فيش حد هيرضى - [00:28:42](#)

في حياته ولا بمستواه. ما فيش واحدة هتبقى راضية بجد بجوزها بعد ما تشوف بقى الدنيا الدنيا بقت عيني عينك. طب انت بتمد عينك ليه ومين قال لك ان دول سعداء اصلا يا عم ده ابتسامات قدام الكاميرات ومن وراء الكاميرات مصائب وكوارث. والعياز بالله لا تمدن عينك الى ما متعنا - [00:29:02](#)

ازواج منهم زهرة الحياة الدنيا. قال الله لنفتنهم فيه. قال المفسرون اي لنعذبهم به. الفتن دي كلها والمناظر الاغرائية دي كلها وراها عذاب. وراها مشاكل اجتماعية وورها طلاقات وورها قصص وحكايات. انت مين اللي قال لك؟ مين قال لك ان فيه معصية وراه سعادة؟ انت مش مصدق ربنا - [00:29:22](#)

بالحسنى فسنيسره ليسرى. مصدق ولا ما انتاش مصدق؟ فهذه يعني من افضل اعمال آآ الدنيا انك انت تعمل اوراد من الافكار الازكار ده ايه التهليل والتكبير والتحميد والتسبيح في هذه الحق بقى الخمس ايام الباقيين. والحاجة الثانية انك انت تجتهد في انك انت - [00:29:42](#)

الحق تجيب لك خاتمة قبل ما عشر ذي الحجة تخلص. اقول قولي هذا واستغفر الله لي ولكم الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وبيدك الخير كله واليك يرجع الامر كله. لبيك - [00:30:02](#)
يا ربنا وسعديك والخير كل الخير في يديك. والشر ليس اليك نحن بك واليك. تباركت وتعاليت تباركت وتعاليت. تباركت وتعاليت. عليك توكلنا واليك ان بنا واليك المصير. اللهم صل على الحبيب محمد صلى الله عليه وسلم. وعلى ازواجه امهات المؤمنين وعلى ذرية ولبيته انك حميد مجيد - [00:30:17](#)

اما بعد العمل التالت في هزه الايام الدعاء يا جماعة. الدعاء نحن في ايام شقاء. احنا الوقتي في ايام صعبة فعلا. ايام ضغوط رهيبية. باقول لاحد اخواني امبارح باقول له الناس نست هو العادي ايه؟ يعني انت عارف اما تبقى في وضع يعني كان عندنا يعني حد زميلنا - [00:30:47](#)

آآ ده يعني اتعين في مستشفى المسالك والكلى عندنا في المنصورة. فاول ما الواحد بيتعين ويبقى نايم ممكن يقعد مسلا ثلاث اربع شهور جوة المستشفى ممنوع يخرج اصلا صخرة بقى التلات سنين بتوع النيابة دول آآ يعني صخرة الصخرة. فقاعد بقى له ثلاث اربع

شهور ما بيتعاملش غير مع العيانيين اللي بيعملوا عمليات في الكلى. وماشيين - [00:31:07](#)

كل عيان ماسك القسطرة بتاعته ماسك الكيس بتاع البول وماشي به. وهو رايح وهو جاي. فيعني اول مرة خرج في الشارع بعد ثلاث اربع شهور فبيص ما كانش مصدق ان فيه ناس ماشية بايديه عادي كده وماشية برجليها عادي ونيسة اصلا هو نسي العادي ازاى؟ احنا بقينا عاملين الوقتي كده يا جماعة - [00:31:27](#)

احنا نسينا العادي ازاى من كتر الضغوط والمشاكل نسينا العادي ازاى؟ الاطفال الوقتي بقت بتتعب نفسيا. دكاترة الامراض النفسية بتوع الاطفال بقوا شغالين زيهم زي اي دكاترة عياداتهم مليانة في المجتمع. طب الاطفال دول واحنا اطفال احنا كنا عارفين حاجة. هو ايه اللي بيحصل؟ الضغوط بتزيد - [00:31:47](#)

وعقوبات الذنوب بتتنزل ولزام نقف. طب ندرأ عن انفسنا عذاب الله بايه؟ الدعاء. ده العمل الثالث. الدعاء التوسل الى الله سيدنا زكريا عاش في زمن زي اللي احنا عايشين فيه ده. سيدنا زكريا عاش صفر ميلادية. صفر ميلادية ده كان الزنا في الشوارع - [00:32:07](#)

او ثام اللي قمة بقى فجور الرومان اليهود نفسهم انحلوا وفجروا. لدرجة ان سيدنا يحيى ابن زكريا لما وقف في جواز ملك اليهود من سالومي بنت اخته. وكانت راقصة. دبحوه. دبحوا سيدنا يحيى. سيدنا زكريا قام ليحيى نشعره بالمنشار - [00:32:27](#)

نشروه بالمصائب من شر انت كل ده عشان راقصة. يعني انت انت متخيل الزمن ده كان شكله ايه؟ اللي كان عايش فيه هؤلاء الابطال العظماء من انبياء يا الله الذين جاهدوا في كلمة الدعوة الى الله وبلغوا كلمة دعوة الله ولم يخشوا في الله لومة لائم وكفى بالله هيسيبها متخيل الواقع - [00:32:47](#)

انت دلوقت في واقع زيه. سيدنا زكريا قال لي على الواقع بتاعه بيقول ولم اكن بدعائك رب شقيا. انا يا رب سبب نجاتي من الشقى اللي الناس كلها عايشة فيه. واللي مرسوم على الوشوش سبب نجاتي من الشقى - [00:33:07](#)

بتاع تنزل عقوبات الذنوب والمعاصي في هذه الايام سبب نجاة من الشقى هو كلمة يا رب لن تنجوا من الشقاء الا بالدعاء. فكما قال النبي صلى الله عليه وسلم صلى الله عليه وسلم لا يرد القضاء الا الدعاء - [00:33:26](#)

لا يرد القدر الا الدعاء. الدعاء بيرد القدر والقضاء الدعاء بيرد الدعاء له قوة جبارة فدافع اقدار الله باقدار الله. دافع شقاء الدنيا باقدار الله. ومن اعظم ما تدفع به هذه الاقدار هو الدعاء. تخيل كده اللهم اكفني بحلالك عن حرامك. واغنني بفضلك عن سواك. ايه الجمال ده! اكفيني - [00:33:43](#)

يا رب تجلى على حياتي باسمك الكافي وانا ماشي. ما فيش حاجة مكفياني يا رب. ما فيش حاجة مكفياني. انا دخلي بيخلص يوم آآ خمسة وعشرين في الشهر اللي قبله مش بيخلص في نص الشهر. ده انا يدوبك اصلا بستلم يا رب آآ فلوس اول الشهر بسدد بها ديون الشهر اللي قبله وابدأ بقى استلف من جديد بقى. يعني - [00:34:09](#)

احساس النفس بس ان انا ايه بستلف على نضيف يعني. انا يا رب انا ما فيش حاجة مكفياني يا رب. انا آآ انا عندي احتياجات كتير اسم الله الكافي يتعلق باحتياجات الانسان - [00:34:29](#)

احتياجات الانسان اللي هي بتاعة الانسان. دي باب كبير جدا في علم النفس. وباب كبير جدا في علم التسويق. النيتز دي الاحتياجات باب كبير اوي اوي في علم النفس وباب كبير اوي في علم التسويق. باب كبير في علم النفس. ايه احتياجات الانسان. يقول لك الانسان عايز ياكل ويشرب. اه. عايز يأمن مستقبلة. ماشي. عايز يحس انه الوضع في المجتمع - [00:34:39](#)

ماشي. عايز شهوة جنسية عايز يتجوز. عايز يحس انه بيحب ويتحب. عايز يحس بالامان. عايز يحس ان له كبير. عايز يحس بمعنى روعي للحياة وهدف اعلى ومبادئ عليا يعيش من اجلها. انسان له اربعين احتياج. كل الاحتياجات دي - [00:34:59](#)

لها طرق حلال ولها طرق حرام. الشهوة الجنسية ممكن بالزنا. طب ممكن بالجواز. طب افرض الجواز عايز نص مليون جنيه اعلم ايه يعني والزنب شلن. بلاش. هاعمل ايه؟ طب آآ الاحساس بالنفس ممكن بانك انت آآ يعني تبزل نفسك في ذات الله - [00:35:19](#)

تحس بمعنى الحياة وممكن بالرياء والكبر والعقم والتشبه بما لم تعطى. طب انا عايز اتفسح. ممكن تروح في مكان فيه فجور وخمرة

تسهر وممكن ربنا يرزقك صحبة سالحة. تتأنس بها وتستمتع. طب انا عايز احب واتحب. ممكن علاقة في الحرام وخيانة زوجية -

[00:35:39](#)

وممكن ربنا يرزقك في الحلال. طب انا يبقى كل احتياجات الانسان لها طرق حلال وطرق حرام اللهم اكفني بحلالك عن حرامك مش

بس في الفلوس. مش ده في كل احتياجات حياتك واغني بفضلك عن سواك. فانت - [00:35:59](#)

يعني فده علم النفس بيقول لك النيل زي الاحتياجات دي هاجيبها ازاى؟ يا رب انا انا محتاج. يعني مش معنى ان ظروفى صعبة ان

انا مش زي زي غيري - [00:36:19](#)

نفسى نفسى في حاجات كتير في الدنيا. اكفني بحلالك عن حرامك. بتوع التسويق بقى يقول لك صناعة النتز بقى. ان هو يقعد بقى

يضحك على الناس عشان يقوموا من ان هم محتاجين حاجات - [00:36:29](#)

هم مش محتاجينها اصلا. فده قصة تانية. اخواني واحبابي في الله دعاء الله! ما اجمل دعاء الله! ما اجمل التوجه الى الله! لا تنسوا

في هزه الايام المباركات صدقة. لا تنسوا كما قال الحبيب محمد صلى الله عليه وسلم في صحيح البخاري. للسيدة اسماء انفقى ولا

تحصى فيحصى الله عليك. ولا توكي ولا توعي - [00:36:39](#)

الله عليك ولا توقي فيك الله عليك. ارضخي ما استطعت. قاوم نفسك في الصدقة. طب انا ما عيبش فلوس. قال احد اصحاب النبي

صلى الله عليه وسلم للنبي يا رسول الله اي الصدقة اعظم اجرا؟ قال ان تصدق وانت صحيح. سليم يعني جواك شهواتك لسة للدنيا

شحيح - [00:36:59](#)

الجنه بيطلع منك بالعافية. تخشى الفقر عندك مشاكل. محتاج فلوس وتأمل الغنى. الله! هي غلابة يعني. الرسول بيكلم الغلابة بيقول

للغلابة تصدقوا يعني. مش بيكلم الاغنيا. ده دي اعظم الصدقة اجرا. فصدقة الفقير - [00:37:19](#)

في اعظم اجرا من صدقة الغنى. اللي هو بقى شحيح يخشى الفقر. آآ الغلابة دول يطلعوا صدقة هم كمان يا رسول الله هي الاقتصاد

مش بكمها. الصدقة بانك انت حتى وانت محتاج انت تعطي لله اجعل سرا بينك وبين الله. اقبل على ربك بقلبك. اجعل هذه العشر

المباركات - [00:37:39](#)

ياما تبتل ايام ذكر ايام شكر ايام تلاوة للقرآن. اجعل ليها ونهارها. امر ليها ونهارها بذكر الله. وترتيل القرآن الصدقة والسعي في

حوائج الارامل والمساكين. والصيام وقيام الليل. املاها بما استطعت من الدعاء ليلا ونهارا - [00:37:59](#)

وتلهف على باب جود الله وعلى باب بر واحسان الله. حافظ على الصلوات الخمس في جماعة ولا تصلي فيها صلاة المنافق. الذي تنقر

الصلاة نقرا في اخر وقتها. اتق الله في هذه الايام. فانها لحظات فاصلة في عمرك. لحظات فاصلة ستندم عليها يوم القيامة -

[00:38:19](#)

ان لم تستسمرها الله في سورة الفجر حينما قال وليال عشر وليال عشر العشر المباركات دول. قال بعدها يقول يا ليتني قدمت

لحياتي هتندم على الايام دي يوم القيامة. و هتعرف ان دي اللي كانت بتوصلك للحياة الحقيقية فحتى لا تندم اغنى من هذه الايام.

اللهم اهدنا وسدنا - [00:38:39](#)

ووفقنا وارشدنا. اللهم اكفنا بحلالك عن حرامك. واغننا بفضلك عن سواك. اللهم اكفنا بحلالك عن حرامك وواغننا بفضلك عن سواك.

اللهم انا نسألك من فضلك ورحمتك. فانه لا يملكها الا انت اللهم ربنا اتنا في الدنيا حسنة وفي الآخرة حسنة وقنا عذاب النار. اللهم انا

نعوذ بك من زوال - [00:38:59](#)

وتحول عافيتك وفجاءة نقتك وجميع سخطك. اللهم انا نعوذ بك من جهد البلاء ودرك الشقاء وسوء القضاء وشماتة الاعداء. اللهم انا

نسألك الهدى والسداد. والحكمة والرشاد والتوفيق والمدد اللهم انا نسألك العفو والعافية. اللهم انا نسألك العافية. وتمام العافية ودوام

العافية. والشكر على - [00:39:29](#)

عافية. اللهم زدنا ولا تنقصنا. واكرمنا ولا تهنا. واعطنا ولا تحرمنا. واعطنا ولا تحرمنا واثرتنا ولا تؤثر علينا. وارضنا وارض عنا. اللهم انا

نسألك الهدى والتقى والعفاف والغنى اللهم اللهم انك عفو كريم تحب العفو فاعف عنا. اللهم اعنا على ذكرك وشكرك وحسن عبادتك.

اللهم - 00:39:59

يا مصرف القلوب صرف قلوبنا على طاعتك. سبحانك اللهم وبحمدك اشهد ان لا اله الا انت استغفرک واتوب اليك - 00:40:29